

從臺灣方志看明鄭的建置

陳漢光

明清之際，明臣誓不降清，揭起義旗以抗者頗不乏人；然以時間之長久，規模之廣大而論，當推明鄭成功一派為最。

明鄭之崛起華南，其史事之影響於後來者，除有功於倡導民族革命，啓發民族意識之外，便是在臺灣的民生經濟之建設；民族文化之發揚。

晚近學者，以明鄭史事為研究之人，其數甚多，然就明鄭所遺建築物之類而作整理研究者，尙屬少數。

研究明鄭史事，如能用明鄭自身所遺文獻以為研究者最善，然自明鄭歸清以後，其所遺文書記錄等，或僅有：「延平王戶官楊英從征實錄」、「大明中興永曆二十五年大統曆」、「偽鄭冊底」、「石井本宗族譜」、「延平二王遺集」等而已。且上記文獻，並無關於明鄭在臺建物記錄，故僅能就清初臺灣方志所記加以輯錄。然方志所記內容甚簡，間或漏誤，諒亦難免也。

按清初臺灣地方志而有明鄭建置記錄者，計為下列各書：

- 康熙三十三年 高拱乾纂「臺灣府志」（簡稱「高府志」）
- 康熙四十九年 周元文纂「重修臺灣府志」（簡稱「周府志」）
- 乾隆六年 劉良璧纂「重修臺灣府志」（簡稱「劉府志」）
- 乾隆十一年 范咸纂「重修臺灣府志」（簡稱「范府志」）
- 乾隆二十五年 余文儀纂「續修臺灣府志」（簡稱「余府志」）
- 康熙五十五年 陳夢林纂「諸羅縣志」（簡稱「陳諸志」）
- 康熙五十九年 陳文達纂「臺灣縣志」（簡稱「陳臺志」）
- 乾隆十七年 王必昌纂「重修臺灣縣志」（簡稱「王臺志」）
- 嘉慶十二年 謝金鑾纂「續修臺灣縣志」（簡稱「謝臺志」）

康熙五十九年 陳文達纂「鳳山縣志」（簡稱「陳鳳志」）
乾隆二十九年 王瑛曾纂「重修鳳山縣志」（簡稱「王鳳志」）
茲謹就上記各書所載明鄭在臺建置分為陂潭、寺廟、署宅等三大類加以整理；另又以倉廩、表坊、橋樑，附於署宅之後。

一、陂潭

臺灣之農業水利建設，雖不始自明鄭，然在明鄭以前，其所遺留下來者，或僅有王參若所築之「參若陂」而已（見於「高府志」、「陳臺志」等）。迨至明鄭，其所鑿築陂潭，遺留至清初而有記錄者，總數計達二十個之多，均在萬年州轄內。清初屬臺灣轄內者，計有五個（新豐里三，文賢里二）；鳳山縣轄內者，計有十五個（維新里五、嘉祥里二、長治里二、依仁里二、仁壽里一、鳳山庄一、赤山庄一、竹橋庄一），僅就記錄所見，列表記下：

在萬年州 清初屬臺灣縣計五個

在新豐里三個

- 公爺陂（在今臺南縣關帝鄉陣仔頭）
- 「陳臺志」：公爺陂，在新豐里，僞時築，蓄水以灌田。
- 「王臺志」：公爺陂，僞時築，俱在新豐里。
- 「謝臺志」：公爺陂，鄭氏築也，皆在新豐里。
- 「劉府志」：公爺陂，在新豐里，僞時築，蓄水以灌田。
- 「范府志」：（同「劉府志」）。
- 「余府志」：（同「劉府志」）。

弼衣潭（一作白衣潭，在今臺南縣新化鎮香洋仔）

〔陳臺志〕：弼衣潭，在新豐里香洋仔，偽時築，蓄雨水以灌田。

〔王臺志〕：……白衣潭，俱在新豐里，偽時所鑿，蓄雨水以灌田者。

〔謝臺志〕：白衣潭，鄭氏鑿也。

〔劉府志〕：弼衣潭，在新豐里香洋仔，偽時築。

〔范府志〕：（見「劉府志」）。

〔余府志〕：（見「劉府志」）。

草潭（在今臺南縣歸仁鄉大潭）

〔陳臺志〕：草潭，在新豐里，偽時築，方半里許，蓄雨水以灌田。荷蘭陂，在新豐里，鄉人築堤，蓄雨水以灌田，草潭通此。

〔王臺志〕：草潭……俱在新豐里，偽時所鑿，蓄雨水以灌田者。

〔謝臺志〕：草潭，鄭氏鑿也。

〔劉府志〕：草潭，在新豐里，偽時築，蓄水以灌田。

在文賢里二個

陂仔頭陂（一作陂仔頭陂，在今臺南縣仁德鄉埤仔頭）

〔陳臺志〕：陂仔頭陂，在文賢里，偽時所築，以灌田者，大旱則涸。

〔王臺志〕：陂仔頭陂，偽時築，大旱則涸。

〔謝臺志〕：埤仔頭陂，偽鄭時築。

月眉池（在今高雄縣湖內鄉內）

〔陳臺志〕：月眉池，在文賢里一圖，形如月眉，故名；積雨水以灌田。……舊植蓮花，不數諸羅之北香湖；鳳山之蓮池潭，惜乎！沙泥壅塞，開濬無人，水不滿尺，荷香無聞，勝蹟雖留，非復昔日之舊觀矣！……。

〔王臺志〕：月眉池，形如半月，俱在文賢里。

〔謝臺志〕：月眉池，形如半月也，皆屬文賢里。

〔高府志〕：月眉池，係明寧靖王填築灌田，形如月眉，中植紅白蓮花甚盛，今廢。

〔周府志〕：（同「高府志」）。

〔劉府志〕：月眉池，在文賢里一圖，形如半月，故名。

〔范府志〕：月眉池，在文賢里一圖，形如半月。

〔余府志〕：（同「范府志」）。

在萬年州

清初屬鳳山縣計十五個

在維新里五個

三鎮陂（在今高雄縣路竹鄉三鎮附近）

〔陳鳳志〕：三鎮陂，在維新里，有泉灌三鎮庄之田，偽時所築。

〔王鳳志〕：三鎮陂，在維新里，縣北四十里，有泉灌田，偽時築。

〔高府志〕：三鎮陂，係偽時林三鎮所築。

〔周府志〕：（同「高府志」）。

〔劉府志〕：三鎮陂，在維新里。

〔范府志〕：「余府志」：（同「劉府志」）。

三爺陂（一作三老爺陂，在今高雄縣路竹鄉三爺村）

〔陳鳳志〕：三爺陂，在維新里，有泉灌三爺庄之田，偽時所築。

〔王鳳志〕：三老爺陂，在維新里半路竹，縣北三十五里，有泉水，灌田頗多，偽時築。

蘇左協陂（在今高雄縣，詳待查）

〔陳鳳志〕：蘇左協陂，在維新里，注水以灌田，偽時所築。

〔王鳳志〕：蘇左協陂，在維新里，……今多變遷，俱載。

烏樹林陂（在今高雄縣彌陀鄉烏樹林村）

〔陳鳳志〕：烏樹林陂，在維新里，注雨水以灌田，偽時所築

〔王鳳志〕：烏樹林陂，在維新里，縣北四十餘里；無源，雨

水則溢，蓄以灌田，僞時築。

「劉府志」：烏樹林陂，在維新里。

「范府志」、「余府志」：（同「劉府志」。）

北領旗陂（在今高雄縣路竹鄉北嶺旗。）

「陳鳳志」：北領旗陂，在維新里，注雨水以灌田，僞時所築。

「王鳳志」：北領旗陂，在維新里，縣北五十餘里，注雨水灌田，僞時築。

「劉府志」：北領旗陂，在維新里。

「范府志」、「余府志」：（同「劉府志」。）

在嘉祥里二個

王田陂（在今高雄縣田寮鄉內）

「陳鳳志」：王田陂，在嘉祥里加冬脚，注雨水以灌田，僞時所築。

「王鳳志」：……王田陂，在嘉祥里今多變遷，俱栽。

大陂（在今高雄縣田寮鄉內）

「陳鳳志」：大陂，在嘉祥里，注雨水以灌田，僞時所築。

「王鳳志」：在嘉祥里，縣北四十餘里，無水源，周圍七十餘丈，蓄水灌田，僞時築。

在長治里二個

大湖陂（在今高雄縣湖內鄉大湖附近）

「陳鳳志」：大湖陂，在長治里，有泉灌大湖庄之田，僞時所築。

「王鳳志」：大湖陂，在長治里，縣北五十餘里；周圍二百餘丈，有泉，蓄以灌田百餘甲；魚利亦多，僞時築。

「劉府志」：大湖陂，在長治里。

「范府志」、「余府志」：（同「劉府志」。）

新園陂（在今高雄縣路竹鄉新園附近）

「陳鳳志」：新園陂，在長治里，注雨水以灌田，僞時所築。

「王鳳志」：新園陂，在長治里，縣北四十餘里；陂不甚大，注水灌田，僞時築。

「劉府志」：新園陂，在長治里。

「范府志」、「余府志」：（同「劉府志」。）

在依仁里二個

五老爺陂（在今臺南縣歸仁鄉太爺附近）

「陳鳳志」：五老爺陂，在依仁里，注雨水以灌田，僞時所築；大水衝崩，五十七年業戶再築。

「王鳳志」：據舊志載有五老爺陂……今撥歸臺灣縣。

祥官陂（在今臺南縣歸仁鄉埤仔口附近）

「陳鳳志」：祥官陂，在依仁里，注水以灌田，僞時所築。

「王鳳志」：按舊志載有……祥官陂在依仁里，今撥歸臺灣縣。

在仁壽里一個

中衝崎陂（在今高雄市楠梓區中崎）

「陳鳳志」：中衝崎陂，在仁壽里，注雨水以灌田，僞時所築。

「王鳳志」：中衝崎陂，在仁壽里，縣東十餘里，源通岡山溪，注水灌田，僞時築。

「劉府志」：中衝崎陂，在仁壽里。

「范府志」：（同「劉府志」。）

「余府志」：（同「劉府志」。）

在鳳山庄一個

賞舍陂（一作輔政陂，在今高雄縣鳳山鎮內）

「陳鳳志」：賞舍陂，在鳳山庄，注雨水以灌田，僞時所築。

「王鳳志」：賞舍陂，在鳳山庄……今多變遷，俱栽。

「高府志」：輔政埤，在鳳山庄，僞輔政公所築，故名。

「周府志」：（同「高府志」。）

在赤山庄一個

赤山陂（在今高雄縣鳳山鎮赤山附近）

〔陳鳳志〕：赤山陂，在赤山庄，周圍百餘丈，注雨水以灌赤山庄之田，僞時所築。

〔王鳳志〕：赤山陂，在赤山庄，縣東二十餘里，周圍百餘丈，依赤山之麓，蓄水灌田，僞時築。

〔劉府志〕：赤山陂，在赤山庄，周圍百餘丈，注水灌田。

〔范府志〕：（同「劉府志」。）

〔余府志〕：（同「劉府志」。）

在竹橋庄一個

竹橋陂（一名柴頭陂，在今高雄縣鳳山鎮岸頭附近。）

〔陳鳳志〕：竹橋陂，在竹橋庄，水源在阿猴林來，灌竹橋庄之田，僞時所築；又名柴頭陂。

〔王鳳志〕：竹橋陂，在竹橋里，縣東二十餘里，源出阿猴林，蓄水灌田，魚蝦之利，聽民採捕，僞時築；亦名柴頭陂。

〔高府志〕：竹橋陂，灌竹橋庄田。

〔周府志〕：（同「高府志」。）

〔劉府志〕：竹橋陂，在竹橋庄，水源自阿猴林來。

〔范府志〕：（同「劉府志」。）

〔余府志〕：（同「劉府志」。）

二、寺 廟

臺灣漢人之寺廟，在荷西竊據時期所建而遺留下來者，或僅有一座吳真人廟而已（見於「陳臺志」），迨至明鄭時期，其所創建之寺廟，遺留至清初而有記錄者，總數竟達三十八座之多；其所祀神，亦達十三種之多：中以祀北極佑聖真君者九，祀關聖大帝者六，祀吳真人者五，祀玉皇太子者三，祀準提觀音者三，祀澎湖將軍廟神者三

，祀五谷神農者二，祀東嶽帝、城隍爺、孔子、馬王、五行帝、彌陀佛者各一。就其所建地區分：其在萬年州，清初屬臺灣縣者三十七座（計在東安坊五座，西定坊五座，寧南坊三座，鎮北坊五座，永康里五座，長興里三座，歸仁北里一座，仁和里一座，崇德里一座，廣儲東里二座，廣儲西里一座，保大西里一座，新豐里一座，大目降二座，土壠埕一座）；其在天興州、清初屬諸羅縣開化里者一座。謹就清初方志上所見，列表於後。另又有「二王廟」一座在臺灣縣東安坊，載於「高府志」及「周府志」，未見於其他文獻，故疑其祀鄭氏二王，（成功、經），惟不知其詳，故刪略也。

在萬年州 清初屬臺灣縣計三十七座

在東安坊五座

城隍廟（在今臺南市東區衛民街）

〔陳臺志〕：城隍廟，祀城隍也。有廟，無專祭，合於山川壇。

〔王臺志〕：府城隍廟，在東安坊郡署之右。……僞時建，康熙間修。

〔謝臺志〕：府城隍廟，在東安坊郡署之右，僞時建。康熙間修。乾隆二十四年，郡守覺羅四明修建兩廊、戲臺，有記；四十二年，郡守蔣元樞復修，嘉慶四年，紳士黃拔萃輩鳩衆修。

〔高府志〕：城隍廟，在府治東安坊，康熙三十二年，知府吳國桂修。（？）

〔周府志〕：（同「高府志」。）

〔劉府志〕：城隍廟，在郡署之右，無專祭，合祭於山川壇。……

〔范府志〕：城隍廟，在郡署之右，凡府縣官新任入境先謁城隍然後到任。……

〔余府志〕：城隍廟，在郡署之右，乾隆二十二年，知府覺羅四明重修。

東嶽廟（在今臺南市中區文昌里內）

「陳臺志」：在東安坊……東嶽廟，祀嶽帝于中，偽時建。

「王臺志」：嶽帝廟，在東安坊，祀東嶽泰山之神，……偽時建。康熙間修，乾隆十六年，舉人許志剛、貢生陳國瑞等倡重建。

「謝臺志」：……（上同「王臺志」）四十三年，里衆何燦輩修。

「高府志」：東嶽廟，在府治東安坊，康熙三十二年，臺道高拱乾重修。

「周府志」：（同「高府志」）。

「劉府志」：東嶽廟，在東安坊。

「范府志」：（同「劉府志」）。

「余府志」：（同「劉府志」）。

大上帝廟（在今臺南市中區內）

「陳臺志」：在東安坊……大上帝廟，偽時建。康熙二十四年，知府蔣毓英捐俸重修。四十八年，里民重建，高聳甲於他廟。

「王臺志」：真武廟，在東安坊，祀北極佑聖真君。……按真君乃元武七宿，故作龜蛇於其下；龜蛇者，元武象也……邑之形勝，有安平鎮七鯤身爲天關；鹿耳門，北線尾爲地軸；酷肖龜蛇。鄭氏據臺，固多建真武廟以爲此邦之鎮云。偽時建。寧靖王書曰「威靈赫奕」。康熙二十四年，知府蔣毓英重修，四十八年，里衆重建，地址高聳，規制巍峩。雍正八年，知縣唐孝本勘斷廟左東路曠地一所，起蓋店屋，年納地稅四兩；另前後左右店尾共二十間，各納地稅，以供香燈……。

「謝臺志」：……（見「王臺志」）……乾隆五十年，鄉賓黃世景等修。五十三年，知府楊廷理續成；嘉慶九

年，里人方扣、林慶雲、蔡光準等，鳩衆復修；於本廟後建公館一所，以爲營兵住宿，免其聚居廟內。……。

「高府志」：上帝廟，一在府治東安坊，最爲久遠，郡守蔣毓英捐俸重修，廟宇煥然。

「周府志」：（同「高府志」）。

「劉府志」：上帝廟，即真武廟，在東安坊，康熙二十四年知府蔣毓英修。……。

「范府志」：元帝廟，即真武廟，（下同「劉府志」）。

「余府志」：（同「范府志」）。

馬王廟（在今臺南市中區紫東里內）

「陳臺志」：在東安坊……馬王廟，偽時建。

「王臺志」：馬王廟，在東安坊……偽時建。

「謝臺志」：馬王廟，在東安坊，祀馬祖，乃天駟房星之神，偽時建，乾隆四十二年，郡守蔣元樞修。

「劉府志」：馬王廟，在東安坊。

「范府志」：（同「劉府志」）。

「余府志」：（同「劉府志」）。

開山王廟（在今臺南市，詳待考）

「陳臺志」：在東安坊……開山王廟，偽時建。

「王臺志」：將軍廟，在澎湖將軍灣，神之姓名事蹟無考，舊有此廟，因以名灣，豈隋開皇中遣虎賁陳稜略地至此因祀之歟？……又舊志，府志載邑治東安坊有開山王廟，今圯，長興里有王公廟。俱偽時所建。……。

「謝臺志」：開山王廟，在東安坊，舊圯，乾隆年間，邑人何燦鳩建。邑人又有稱王公廟、大人廟、三老爺廟者，不知何神；或云，皆即澎湖將軍灣之神也。……。

在西定坊五座

「高府志」：開山王廟，在附郭縣東安坊。

「周府志」：（同「高府志」）。

「劉府志」：開山王廟，在東安坊。

「范府志」：（同「劉府志」）。

「余府志」：（同「劉府志」）。

小關帝廟（在今臺南市西區利民里內）

「陳臺志」：在西定坊，……小關帝廟，偽時建。五十八年，里人同修，在小關帝巷內。

「王臺志」：關帝廟……一在西定坊港口，俗呼小關帝廟，偽時建。康熙五十八年里衆重修。……

「謝臺志」：關帝廟，……一在西定坊港口，俗呼小關帝廟，偽時建。……

「劉府志」：關帝廟……一在西定坊港口，……

「范府志」：關帝廟……一在西定坊港口，……

「余府志」：（同「范府志」）……

聖公宮（在今臺南市西區內）

「陳臺志」：在西定坊，……聖公宮，偽時建。

「王臺志」：聖公廟……一在西定坊，曰總管宮，偽時建。……

「謝臺志」：（同「王臺志」）。

「劉府志」：聖公廟，……一在海防署前。

「范府志」：（同「劉府志」）。

「余府志」：（同「劉府志」）。

小太子宮（在今臺南市西區老古里內）

「陳臺志」：在西定坊，……小太子宮，偽時建，面海。

「王臺志」：玉皇太子宮……一在西定坊草仔寮，名上太子宮……俱偽時建。

「謝臺志」：（見「王臺志」）。

開山宮（在今臺南市西區內）

「陳臺志」：在西定坊，開山宮，祀吳真人；一在新街，曰開山宮。

「王臺志」：吳真人廟，在西定坊新街，……偽時建，乾隆五年，候選州同知王紹堂倡修。……

「謝臺志」：吳真人廟，在西定坊新街，偽時建。乾隆五年，里人王紹堂倡修。六十年，武舉張文雅等鳩衆重修。……

「高府志」：慈濟宮，一在附郭縣鎮北坊，一在附郭縣西定坊

「周府志」：（同「高府志」）。

「劉府志」：吳真人廟，在西定坊新街，乾隆五年，街民重修曰：「開山宮」……

「范府志」：（同「劉府志」）。

「余府志」：（同「劉府志」）。

王宮（在今臺南市西區永樂里內）

「陳臺志」：在西定坊，……王宮，偽時建。

「王臺志」：將軍廟，……查各里坊社廟，以王公大人稱者甚夥：東安坊，則山川臺、坑仔底；西定坊，則王宮港，草仔寮、海防署前，……

「謝臺志」：（見「王臺志」）。

在寧南坊三座

學宮（在今臺南市西區文廟路）

「陳臺志」：……，郡之有學宮也，自偽氏始也；在寧南坊南向，國朝開闢以來，仍其舊制。文廟在前，啓聖祠在後，雨廡大門悉備。大門之外，理以柵欄，屢圯屢修。三十九年，臺廈道王之麟，始建明倫堂于廟左，堂之後爲龍亭庫……

「王臺志」：府儒學，在寧南坊，康熙二十四年巡道周昌、知府蔣毓英因鄭氏舊學址新建；中爲先師廟，東西兩廡爲廟門櫺星門，北爲啓聖祠；三十八年，巡道王之麟重修，越明年建明倫堂於廟東。……

「謝臺志」：（同「王臺志」）……。

「高府志」：府學，在寧南坊，仍鄭氏基築。康熙二十三年，臺灣道周昌，知府蔣毓英修，改額曰「先師廟」，懸御書「萬世師表」……。

「周府志」：（同「高府志」）。

「劉府志」：臺灣府儒學，在寧南坊，……康熙二十四年，巡道周昌、知府蔣毓英因鄭氏舊址創建，……。

「范府志」：（同「劉府志」）。

「余府志」：（見「劉府志」）。

五帝廟（在今臺南市中區溫陵里內）

「陳臺志」：在寧南坊，……觀音堂，僞時建，原爲五帝廟，今改祀觀音。

「王臺志」：五帝廟，在寧南坊。……。

「謝臺志」：觀音宮，一在寧南坊，曰「觀音亭」，僞時建，後改祀五帝，今在五帝廟內。

「高府志」：五帝廟，在附郭縣寧南坊。

「周府志」：（同「高府志」）。

「劉府志」：五帝廟，在寧南坊。

「范府志」：（同「劉府志」）。

「余府志」：（同「劉府志」）。

準提室（在今臺南市中區）

「陳臺志」：在寧南坊，……準提室，僞時建，康熙四十六年

道標守備婁廣修。

「王臺志」：觀音宮……一在寧南坊，曰「準提室」，僞時建；康熙四十六年道標守備婁廣修。……。

「謝臺志」：準提室，在寧南坊，僞時建。康熙四十六年，道標守備婁廣修，嘉慶三年李黃氏倡修，十四年，二十五年監生黃拔萃，增生陳廷瑜及章啓億鳩衆修。

「高府志」：準提閣，在廣慈庵前。

「周府志」：（同「高府志」）。

「劉府志」：觀音宮……在寧南坊，曰「準提室」。……。

「范府志」：觀音宮，有七……在寧南坊，曰「準提室」……。

「余府志」：（同「范府志」）。

在鎮北坊五座

大關帝廟（在今臺南市中區內）

「陳臺志」：在西定坊，……大關帝廟，僞時建；康熙二十九年，臺灣道王效宗修；五十五年，臺灣道陳璘重修；五十六年，里人鳩象改建，棟宇華麗，工巧異常，大非昔比，原寧靖王親書其匾曰：「古今一人」。

「王臺志」：關帝廟，在鎮北坊……僞時建。寧靖王書曰：「古今一人」。康熙二十九年巡道王效宗修；五十五年巡道陳璘重修；五十六年里人鳩象改建。……乾隆之巡道尹士伊倡修。……。

「謝臺志」：關帝廟，在鎮北坊，僞時建……三十一年，署巡道蔣九鸞修建更衣廳於廟左；四十二年，知府蔣元樞修，五十四年，知府楊廷理修於廟門外，建戲臺焉。嘉慶十二年，知縣薛志亮捐俸倡修，紳士林朝英、吳春貴、陳啓良等司其事。……。

「高府志」：關帝廟，一在府治鎮北坊，康熙二十九年，臺灣道王效守重建；因舊址而增擴之，棟宇加麗，後構禪室以住僧焉。

「周府志」：（同「高府志」）。

「劉府志」：關帝廟，在鎮北坊，偽時建……。

「范府志」：（同「劉府志」）。

「余府志」：（同「劉府志」）。

觀音亭（在今臺南市北區觀音亭）

「陳臺志」：在鎮北坊，觀音亭，偽時建，中奉大士，左右塑十八羅漢。康熙三十二年居民重修並建後堂。

「王臺志」：觀音宮，……一在鎮北坊，偽時建。康熙三十二年重修並建後堂。

「謝臺志」：……（見「王臺志」）……乾隆五十六年，里人陳漳山等重修……。

「高府志」：觀音宮，在府治鎮北坊前後，泥金色相，左右塑十八羅漢，俗呼爲觀音亭，相傳最遠，康熙三十二年後堂重建。

「周府志」：（同「高府志」）。

「劉府志」：觀音宮，在鎮北坊，曰觀音亭……。

「范府志」：（同「劉府志」）。

「余府志」：（同「劉府志」）。

大道公宮（在今臺南市北區觀音亭）

「陳臺志」：在鎮北坊，……大道公宮在觀音亭邊。偽時建。……。

「王臺志」：吳真人廟……其在鎮北坊者二：觀音亭邊，偽時建。……。

「謝濟志」：（同「王臺志」）。

「高府志」：慈濟宮，……一在附郭縣鎮北坊，……一在附郭縣西定坊。

「周府志」：（同「高府志」）。

「劉府志」：吳真人廟，……一在觀音亭邊。

「范府志」：吳真人廟，一在觀音亭側。

「余府志」：（同「范府志」）。

小上帝廟（在今臺南市北區赤崁里）

「陳臺志」：在鎮北坊，……小上帝廟，偽時建。總鎮張玉麒調臺，中流震風，夢神散髮跣足降於檣，波怡浪靜抵岸，因重新帝廟焉。其後爲郡侯蔣公毓英祠，時江西觀察命下，士民不忍其去，故立祠祀之。……。

「王臺志」：真武廟……一在鎮北坊，俗呼小上帝廟，偽時建。康熙三十七年，總鎮張玉麒來臺，在洋遭風，夢神披髮跣足自檣而降，因重新之。……。

「謝臺志」：……（見「王臺志」）。

「高府志」：上帝廟，一在府治東安坊，最爲久遠，……一在府治鎮北坊。

「周府志」：（同「高府志」）。

「劉府志」：上帝廟，即真武廟，……一在鎮北坊，……。

「范府志」：元帝廟，即真武廟，一在鎮北坊，……。

「余府志」：（同「范府志」）。

玉皇太子廟（在今臺南市北區）

「陳臺志」：在鎮北坊，……玉皇太子廟，偽時建。康熙二十七年，總鎮楊文魁重修。

「王臺志」：一名四舍廟，在鎮北坊，……偽時建。康熙二十七年，總鎮楊文魁重修。……。

「謝臺志」：玉皇太子宮，在鎮北坊，偽時建，俗呼四舍廟，康熙二十七年，總鎮楊文魁修。……。

在永康里五個

上帝廟（在今臺南縣永康鄉內）

「陳臺志」：在永康里，……上帝廟，一在下洲仔甲，鄉人鳩建，……。

「王臺志」：真武廟……一在下洲仔甲，……俱偽時所建者。

「謝臺志」：（同「王臺志」）。

「劉府志」：上帝廟，即真武廟，……一在下洲仔甲。……。

「范府志」：元帝廟，即真武廟，……一在下洲仔甲。……。

「余府志」：（同「范府志」）。

上帝廟（在今臺南縣永康鄉網寮內）

「陳臺志」：在永康里，……上帝廟，……一在洲仔網寮，偽時鄉人同建。……。

「王臺志」：真武廟……一在洲仔尾網寮，……俱偽時所建。

「謝臺志」：（同「王臺志」）。

「劉府志」：上帝廟，即真武廟，……一在洲仔尾網寮，……。

「范府志」：元帝廟，即真武廟，……一在洲仔尾網寮，……。

「余府志」：（同「范府志」）。

關帝廟（在今臺南縣永康鄉內）

「陳臺志」：在永康里，……關帝廟，……一在許厝甲，偽時建，係茅屋，開闢後易茅為瓦，鄉人同建。……。

「王臺志」：關帝廟，……一在永康里許厝甲，……俱偽時建。……。

「謝臺志」：（同「王臺志」）。

「劉府志」：關帝廟，……一在許厝甲，……。

「范府志」：關帝廟，……一在許厝甲，……。

「余府志」：（同「范府志」）。

關帝廟（在今臺南縣永康鄉內）

「陳臺志」：在永康里，……關帝廟……，一在保舍甲，偽時建，臺廈道陳濱區曰「停驂默禱」。

「王臺志」：關帝廟，……一在保舍甲，……俱偽時建。……。

「謝臺志」：（同「王臺志」）。

「劉府志」：關帝廟，……一在保舍甲，……。

「范府志」：關帝廟，……一在保舍甲，……。

「余府志」：（同「范府志」）。

彌陀寺（在今臺南市東門路）

「陳臺志」：在永康里，彌陀寺，邑東郊也。年久傾圮，僧徒散去，僧一峯至自武彝山，有志重興，托跡偏廂，募化以供香火。五十七年，監生董大彩建中殿一座；五十八年，僧鳩建閣君殿于西偏暨僧房六間；東偏三官殿，則監生陳仕俊倡義，首襄其事焉。

「王臺志」：彌陀寺，在大東門內永康里，偽時建，歲久傾圮，康熙五十七年，監生董大彩鼎建中堂。……。

「謝臺志」：（見「王臺志」）……嘉慶四年，董事黃鐘岳、程肇榮等鳩衆修。

「高府志」：彌陀室，在附郭之東，庭宇幽靜，佛像莊嚴，傍植檳榔，名花芬馥，可供遊咏。

「周府志」：彌陀室，在附郭之東，庭宇幽靜，佛像莊嚴，可供遊翫。

「劉府志」：彌陀寺，在永康里東門內，年久傾圮，康熙五十八年，僧一峰至自武彝募化重興寺田。……。

「范府志」：（同「劉府志」）。

「余府志」：（同「劉府志」）。

在長興里三座

王公廟（在今臺南縣仁德鄉內）

「陳臺志」：在長興里，……王公廟，偽時建。

「王臺志」：……長興里有王公廟，俱偽時所建。……。

「謝臺志」：（同「王臺志」）。

「高府志」：王公廟，在臺灣縣長興里。

「周府志」：（同「高府志」）。

關帝廟（在今臺南縣仁德鄉內）

「陳臺志」：長興里，關廟帝，偽時建，（康熙）五十九年，鄉人同修。

「王臺志」：關帝廟，……一在長興里，偽時建，康熙五十九年重修。

「謝臺志」：關帝廟，……一在長興里，俱偽時建。……。

「劉府志」：關帝廟，……一在長興里。……。

「范府志」：關帝廟，……一在長興里。……。

「余府志」：（同「范府志」）。

太子宮（在今臺南縣仁德鄉內）

「陳臺志」：在長興里，……太子宮，偽時建。

「王臺志」：玉皇太子宮，一名四舍廟，……一在長興里，俱偽時建。

「謝臺志」：（見「王臺志」）。

在歸仁北里一座

大道公廟（在今臺南縣仁德鄉內）

「陳臺志」：在舊仁北里，大道公廟，在舊社口，偽時建。

「王臺志」：吳真人廟，……一在舊社口，偽時建。

「謝臺志」：（見「王臺志」）。

「劉府志」：吳真人廟，……一在歸仁北里舊社口。……。

「范府志」：（同「劉府志」）。

「余府志」：（同「劉府志」）。

在仁和里一座

上帝廟（在今臺南縣仁德鄉內）

「陳臺志」：在仁和里，上帝廟，在下灣，偽時建。

「王臺志」：真武廟，……一在仁和里下灣，……俱偽時所建。……。

「謝臺志」：（同「王臺志」）。

「劉府志」：上帝廟，即真武廟，……一在仁和里下灣。……。

「范府志」：上帝廟，即真武廟，……一在仁和里下灣。……。

「余府志」：（同「范府志」）。

在崇德里一座

上帝廟（在今臺南縣歸仁鄉內）

「陳臺志」：在崇德里，上帝廟，偽時建。

「王臺志」：真武廟，……一在崇德里，俱偽時所建者。……。

「謝臺志」：（同「王臺志」）。

「劉府志」：上帝廟，即真武廟，……一在崇德里。……。

「范府志」：元帝廟，即真武廟，……一在崇德里。……。

「余府志」：（同「范府志」）。

在廣儲東里二座

觀音宮（在今臺南縣新化鎮內）

「陳臺志」：在廣儲東里，……觀音宮，偽時建。

「王臺志」：觀音宮，……一在廣儲東里，偽時建。……。

「謝臺志」：（同「王臺志」）。

「劉府志」：觀音宮，……一在廣儲東里。……。

「范府志」：（同「劉府志」）。

「余府志」：（同「劉府志」）。

上帝廟（在今臺南縣新化鎮內）

「陳臺志」：在廣儲東里，……上帝廟，偽時建。

「王臺志」：真武廟，……一在廣儲東里，……俱偽時所建者。

「謝臺志」：（同「王臺志」）。

「劉府志」：上帝廟，即真武廟，……一在廣儲東里，……。

「范府志」：元帝廟，即真武廟，……一在廣儲東里，……。

「余府志」：（同「范府志」）。

在廣儲西里一座

田祖廟（在今臺南縣永康鄉內）

「陳臺志」：在廣儲西里，田祖廟，偽時建，（康熙）五十四年鄉人易茅以瓦；五十九年，復建覆船亭于廟前。

「王臺志」：田祖廟，……一在廣儲西里，康熙五十四年，里衆易茅以瓦，五十九年，增建露亭於廟前。……。

「謝臺志」：（同「王臺志」）。

「劉府志」：田祖廟，……一在廣儲西里，……。

「范府志」：（同「劉府志」）。

「余府志」：（同「劉府志」）。

在保大西里一座

五穀王廟（在今臺南縣舊仁鄉）

「陳臺志」：在保大西里，五穀王廟，偽時建。

「王臺志」：田祖廟，……又偽時建田祖廟二：一在廣儲西里，……一在保大西里。

「謝臺志」：（同「王臺志」）。

「劉府志」：田祖廟，……一在保大西里。

「范府志」：（同「劉府志」）。

「余府志」：（同「劉府志」）。

在新豐里一座

關帝廟（在今臺南縣關廟鄉關廟村內）

「陳臺志」：在新豐里，……關帝廟，偽時建。

「王臺志」：關帝廟，……一在新豐里，俱偽時建。……。

「謝臺志」：關帝廟，……一在長興里，俱偽時建。……。

「劉府志」：關帝廟，……一在新豐里，俱偽時建。

「范府志」：關帝廟，……一在新豐里，……。

「余府志」：（同「范府志」）。

在大目降里一座

大道公宮（在今臺南縣新化鎮內）

「陳臺志」：在大目降莊，……大道公宮，偽時建。

「王臺志」：吳真人廟，……在大目降莊者一，偽時建。……。

上帝廟（在今臺南縣新化鎮內）

「陳臺志」：在大目降莊，……上帝廟，偽時建。

「王臺志」：真武廟，……一在大目降莊，俱偽時所建者。……。

「謝臺志」：（同「王臺志」）。

「劉府志」：上帝廟，即真武廟，……一在大目降莊。

「范府志」：元帝廟，即真武廟，……一在大目降莊。

「余府志」：（同「范府志」）。

在土墾埕一座

玉皇太子宮（在今臺南市南區內）

「王臺志」：……一在土墾埕尾，名下太子宮，……俱偽時建。

「謝臺志」：（見「王臺志」）。

在天興州 清初屬諸羅縣者一座

在開化里

龍湖巖（在今臺南縣六甲鄉七甲村內）

「陳諸志」：觀音宮……一在開化里赤山保，即龍湖岩也；詳見古蹟，偽官陳永華建，年久傾壞，四十四年邑生洪朝樑重建。……龍湖巖，在開化里赤山庄，偽官陳永華建；環巖背山，幽邃自喜，前有譚，名龍湖，周環里許，遍植荷花，左右列樹，桃柳青梅蒼檜，遠山浮空，遊者擬之輞川圖畫。

「高府志」：龍湖巖，在諸羅縣開化里，陳永華建……。

「周府志」：（同「高府志」）。

「劉府志」：龍湖巖，在開化里赤山庄，偽官陳永華建……。

「范府志」：（同「劉府志」）。

「余府志」：（同「劉府志」）。

三、署 宅

明鄭在臺所建之公署、官宅、民舍，若就其所建寺廟以及當時人口數量推論，為數應甚衆多，然其在清初臺灣地方志中有記錄者，則僅有十五處而已。此十六處，當屬於公署、官宅之一部份無疑，其所在地，全部在萬年州轄內；清初屬臺灣縣所隸者，計在東安坊者五，在西定坊者三，在寧南坊者一，在鎮北坊二處，在永康里三處，在武定里二處；此雖不能觀其全貌，然或可知其大概。

署宅之外，亦有倉廩、坊表、橋樑等記錄。坊表橋樑各一；倉廩者有四：一在萬年州，清初屬臺灣縣轄內；一在萬年州，清初屬鳳山縣轄內；一在天興州，清初屬諸羅縣轄內；茲統附記於後。

在萬年州 清初屬臺灣縣計十六處

在東安坊五處

天興州署（清初改為臺灣府署，在今臺南市東區衛民街。）

「陳臺志」：臺灣府公署，在東安坊南向，前有大堂，後為川堂，為偽天興州舊署。由川堂轉而西北為內宅，偽遺舊宅也。旁建草亭一座，為校射之所焉。

「王臺志」：府署，在東安坊南向，舊係偽宅兩座毗連，後左畔一署傾圮，惟存右署，規制稍隘。雍正七年，知府倪象愷拓左畔基址更建大堂，川堂二堂，東西齋閣房，大門儀門悉具。大門之內，左為土地祠，右為官廳大堂，下兩旁為六房，其外環以木柵，前列照牆。貢生黃國英董其事，五十條日落成，總督劉世明給匾曰懷堂。雍正九年知府王士任捐建三堂一座，又置四層住屋一所，為東寧新署。

「謝臺志」：府署，在東安坊南向，舊屬偽宅兩座毗連，其左廢壞，存其右為郡署，制甚隘。……。

「高府志」：「周府志」：府治，在東安坊南向。……。

「劉府志」：「范府志」：「余府志」：（見「王臺志」）

萬年州署（清初改為臺灣縣署，在今臺南市府前忠義國民學校內）

「陳臺志」：縣署，在東坊西向，偽時舊宅也，歷任官修焉。前有大堂，聽政之所居也。後有川堂，退食之所憩也。後堂齊閣，靡不畢備，儀門以外，左為土地祠，而右則羈禁罪人之所。至於書吏與隸之房，各有次第；又有旌善亭，在大門之左，所以獎善也。有申明亭，在大門之右，以懲惡也。二亭係四十八年間，奉巡撫張伯行，行文設立，知縣張宏建焉。規畫整肅，制度畢周，知縣王兆陞額其堂曰「獨立堂」，陳璵大書扁額于川堂曰「守法奉

公，潔已愛民。」明已志也，亦以勵後人也。

〔王臺志〕：縣署，在鎮北坊西向，原在東安坊，偽時舊宅。

前爲大堂，後爲川堂，又後爲齋閣，爲□宅。儀門外左爲土地祠，右爲嶽。康熙四十八年，知縣□□立旌善申明二亭於大門外左右。雍正八年，知縣冷岐暉重修縣署。乾隆五年，知縣宋岳楷建六房，今悉改爲海東書院。乾隆十五年，知府方邦基、知縣魯鼎梅移建。

〔謝臺志〕：縣署，在鎮北坊赤嵌樓之右，西向。乾隆十五年移建，初縣舊署在東安坊偽時故宅也，規制甚隘。……。

〔高府志〕：「周府志」：臺灣縣治，在東安坊西向。

〔劉府志〕：「范府志」、「余府志」：（見「王臺志」）

按：上錄各記，並未示明爲萬年州舊署，然考其所載各制，則與舊天興州署相同，故疑其爲萬年州署。

舊宅（清初改爲臺灣縣丞署，今在臺南市，詳址待考。）

〔陳臺志〕：縣丞署，在東安坊府治之東南向，偽時舊宅，歷任官重修。

〔王臺志〕：丞署，在羅漢門，原在府署之東，雍正九年移駐。

〔謝臺志〕：巡檢司署，在羅漢門，即舊縣丞署。……

〔高府志〕：「周府志」：縣丞署，在東安坊南向。

〔劉府志〕：「范府志」、「余府志」：（見「王臺志」）

舊宅（清初改爲典史署，在今臺南市內，詳址待考。）

〔陳臺志〕：典史署，在縣署之左西向，偽時舊宅，歷任官重修。

〔王臺志〕：典史署，在縣署之右。

〔謝臺志〕：（同「王臺志」）

〔高府志〕：「周府志」：典史署，在東安坊西向。

〔劉府志〕：「范府志」、「余府志」：（見「王臺志」）

舊宅（清初改爲鎮標右營公署，在今臺南市內，詳址待考。）

〔陳臺志〕：鎮標右營公署，在邑治東安坊營盤內，偽時舊宅，歷任官重修，守備、千把總公署附焉。

〔王臺志〕：右營遊擊署，在東安坊。

〔謝臺志〕：（見「王臺志」）。

〔高府志〕：「周府志」：鎮標右營署，在府治東安坊。

〔劉府志〕：「范府志」、「余府志」：（見「王臺志」）

在西定坊三處

寧靖王府（在今臺南市中區永福路九巷，即今大媽祖廟）

〔陳臺志〕：大媽祖廟，即寧靖王故居也。康熙二十三年，靖海將軍施琅捐俸改建廟，祀媽祖焉。……。

〔王臺志〕：寧靖王朱桂園亭，在西定坊，今爲天后廟。……。

天后廟，在西定坊……偽時爲寧靖王府。

〔謝臺志〕：天后宮，在西定坊。……康熙二十三年，靖海侯施琅建，廟即寧靖王府。……。

〔高府志〕：天妃宮，在府治鎮北坊赤嵌城南，康熙二十三年，臺灣底定神有效靈，靖海將軍侯施琅同諸鎮捐俸鼎建。……。

〔周府志〕：（同「高府志」）

〔劉府志〕：天后廟，在西定坊，即寧靖王故居，康熙二十三年，靖海將軍施琅改建爲廟，有碑記。……。

〔范府志〕：（同「劉府志」）

〔余府志〕：（同「劉府志」）

承天府署（清初改爲臺廈道署，在今臺南市中區永福國民學校內）

內）

〔陳臺志〕：臺廈道公署，在西定坊西向，偽時舊宅也。大堂齋閣，住宅畢備，儀門之外爲大門，大門之外爲

鼓亭，爲轅門；轅門之左爲官廳，屬僚停驂之所，轅門之右爲健步房；照牆以外，則巡捕之館在焉。苟有傾圮，三縣合修。

「王臺志」：巡道署，在西定坊，坐東向西，凡三座，每座三進，由大門儀門入而廳事，額曰「敬事堂」，堂之右爲齋閣，爲住宅；堂左則掾吏處之，堂下左右廡舍與隸居之；大門內左爲福德祠，右爲官廳，其外爲照牆，爲鼓亭，爲轅門；照牆外爲巡捕廳署，後有斐亭澄臺諸勝。……

「謝臺志」：巡道署，在西定坊西向，中曰「敬事堂」。……
「高府志」：「周府志」：臺廈道署，在西定坊西向，由大門而儀門而廳事，扁曰「敬事堂」。……

「劉府志」：「范府志」：「余府志」：（見「王臺志」）
按：儀門之外有大門，大門之外有鼓亭轅門，轅門之左右有官廳以及屬僚停驂所，故疑爲舊承天府；蓋明鄭所遺各署宅，以此爲最宏偉也。

舊宅（清初改爲海防廳署，在今臺南市內，詳址待考。）

「陳臺志」：海防廳公署，在西定坊西向，僞時舊宅也。聽政則有大堂，退食則有川堂；由川堂後迤轉而南，則有茅亭，以會賓客。其內宅房屋，較他署爲窄狹焉。

「王臺志」：海防廳署，一在西定坊西向，一在鹿耳門，雍正八年，奉文移駐。

「謝臺志」：海防廳署，在西定坊西向。舊在鹿耳門，雍正八年移駐於此。

「高府志」：「周府志」：海防廳署，在西定坊西向。……
「劉府志」：「范府志」：「余府志」：（見「王臺志」）

在寧南坊一處

黃安故宅（一作棧仔林在，今臺南市忠烈祠前）

「王臺志」：棧仔林，在寧南坊，僞勇衛黃安故宅，改建爲施襄壯侯祠，今圮，基址尙存；別見祠宇志。

「謝臺志」：（見「王臺志」）

「劉府志」：棧林宅，在寧南坊，僞更衛黃安故宅，今改爲施襄壯侯祠。

「范府志」：棧林，在寧南坊，僞更衛黃安故宅，今改後施襄壯侯祠。

「余府志」：（同「余府志」）

在鎮北坊二處

舊宅（清初改爲臺鎮署，在今臺南市內，詳址待考。）

「陳臺志」：臺鎮公署，在邑治鎮北坊營盤內，僞時舊宅，歷任官重修。

「王臺志」：總鎮署，在鎮北坊，坐東北向西南，由大門入儀門大堂二堂，西廊廂房，東爲花廳，又東爲箭亭，大門外柵欄、轅門、鼓亭俱備。

「謝臺志」：總鎮署，在鎮北坊，坐東北向西南。……

「高府志」：「周府志」：總鎮署，在府治鎮北坊。

「劉府志」：「范府志」：「余府志」：（見「王臺志」）

舊宅（清初改爲鎮標左營署，在今臺南市內，詳址待考。）

「陳臺志」：鎮標左營公署，在邑治鎮北坊營盤內，僞時舊宅，歷任官重修，守備千把總公署附焉。

「王臺志」：左營遊擊署，在鎮北坊。

「謝臺志」：（同「王臺志」）。

「高府志」：「周府志」：鎮標左營署，在府治鎮北坊。

「劉府志」：「范府志」：「余府志」：（見「王臺志」）

在永康里三處

北園別館（又作「鄭氏故宅」，後改「海會寺」，即今「開元寺」；在今臺南市北區開元路。）

「陳臺志」：海會寺，鄭氏舊宅也。距邑治四、五里許。康熙

二十九年，臺廈道王效宗、總鎮王化行改建爲寺；佛像莊嚴，寺宇寬敞，亦名開元寺。

「王臺志」：北園別館，在永康里，僞鄭爲其母董氏建，後廢。康熙二十五年，巡道周昌因其地有茂林深竹，乃結亭築室之記，且繪而圖之。諸羅令季麒光頌曰：「致微」，二十九年巡道王效宗、總鎮王化行改爲海會寺。

「謝臺志」：（同「王臺志」）

「高府志」：海會寺，康熙二十九年建，在府治北六里許，舊爲鄭氏別館；蕩平之後，總鎮王化行、臺廈道王效宗因其故址建爲寺宇，佛像最勝，住僧雲集焉。碑記載藝文志。

「周臺志」：（同「高府志」）

「劉府志」：北園別館，在邑治北五里許，僞鄭爲母董氏建。海會寺，即鄭氏北園也。康熙二十九年，臺廈道王效宗、總鎮王化行改建爲寺，佛像莊嚴，寺宇寬敞，亦名開元寺。……。

「范府志」：（同「劉府志」）

「余府志」：（同「劉府志」）

夢蝶處（又作「夢蝶園」，後改「法華寺」；在今臺南市東區開山路尾。）

「陳臺志」：法華寺，僞時漳人李茂春構茅以居，名夢蝶處，後僧人鳩衆易以瓦，供準提佛于中，改名法華寺，康熙四十七年，鳳山知縣宋永清建前一座，……。

「王臺志」：夢蝶園，今改爲法華寺，在永康里，漳人李茂春，隆武舉人，遯跡來臺，構茅亭居焉。

陳永華記：「昔莊周爲漆園吏，夢而化爲蝴蝶，

栩栩然蝶也。人皆謂莊生善寐，余獨謂不然。夫心閒則意適，達生可觀化，故處山林而不寂，入朝市而不禁，醒何必不夢，何必不蝶哉。吾友巨青，善寐而喜莊氏書，晚年能自解脫，擇地于州治之東，伐茅闢圃，臨流而坐，日與二三小童，植蔬種竹，滋藥弄卉，卜築其中，而求名于余，夫正青曠者也；其胸懷瀟灑無物者也。無物則不物，故雖郊邑烟火之所比隣，遊女樵夫之所闐咽，而修自遠。竹籬茅舍，苦在世外，間花野草，時供枕席；則君眞栩栩然蝶矣。不夢，夢也；夢尤夢也。余慕其景而未能自脫，具美君之先得，因名其室曰：『夢蝶處』，而爲文記之。」

「謝臺志」：夢蝶園，在永康里，漳人李茂春遯跡於此，構茅亭居焉。陳永華記。……。今爲法華寺。

「高府志」：夢蝶園，在府治社稷壇南數百步，先是漳人李茂春寓此，築茅齋以寄放口之情，扁曰：「夢蝶」，後易以陶瓦，請流修築，日增勝概，後爲準提庵。

「周府志」：（同「高府志」）

「劉府志」：法華寺，僞時漳人李茂春構茅亭以居，名夢蝶處，後僧人鳩衆改建法華寺，康熙四十七年，鳳山知縣宋永清建前殿一座。……。

「范府志」：夢蝶園，在邑治小南門外，舉人李茂春建，今爲法華寺。

法華寺，即李茂春夢蝶處，後僧人鳩衆改建法華寺。……。

「余府志」：……（同「范府志」）……，乾隆二十九年知府蔣允焄重建。……。

舊宅（在今臺南市，詳待考。）

「陳臺志」：鎮標中營公署，在邑治永康里營盤內，僞時舊宅，歷任官重修，守備千把總公署附焉。

「王臺志」：中營遊擊署，在永康里。

「謝臺志」：（同「王臺志」）

「高府志」：鎮標中營署，在永康里。

「周府志」：（同「高府志」）

「劉府志」：中軍中營遊擊，在府治永康里。

在武定里二處

陳氏別墅（又作「陳氏園」、「陳氏花園」，今在臺南縣永康鄉內。）

「王臺志」：陳氏別墅，在武定里，僞參軍陳永華所築，今廢為棧林。

「謝臺志」：（同「王臺志」）

「劉府志」：陳氏花園，在武定里，僞時陳永華別墅，今廢為棧林，輸課。

「范府志」：陳氏園，在武定里，僞時陳永華別墅，今廢。

「余府志」：（同「范府志」）

舊宅（清初改為新港巡檢署，在今臺南市，詳址待考。）

「陳臺志」：新港巡檢署，府志載，在武定里，三十八年移在東安坊南向，僞時舊宅，歷任官重修。

「高府志」：新港巡檢司署，在武定里，去縣十餘里。

「周府志」：（同「高府志」）

附一：倉 廩

在萬年州

清初屬臺灣縣者一個

萬年倉（在今臺南市東區）

「陳鳳志」：倉廩，……一在府治東安坊公館西，計三十間，

係僞時建，名萬年倉，歷年業戶管事同修。

「王鳳志」：倉廩，……一在府治東安坊，計二十一間，按舊志載，一在東安坊公館西，計三十間，僞時建，名萬年倉，……皆未必如舊云。

「高府志」：倉廩，……鳳山縣，……一在東安坊，計三十間……。

「周府志」：（同「高府志」）

「劉府志」：鳳山縣，……倉廩，……一在府治東安坊，計二十二間，……。

「范府志」：（同「劉府志」）

「余府志」：（同「劉府志」）

在萬年州

清初屬鳳山縣計二個

安平鎮倉廩（在今臺南市安平區海關公館附近）

「陳鳳志」：倉廩，……一在安平鎮城內，計十間，係僞時屋，歷年各業管事同修。……。

「王鳳志」：倉廩，……一在安平鎮，計二十五間。按舊志載十間，僞時建，歷年各業戶管事同修，今增建十五間，皆縣外廩也。

「高府志」：倉廩，……鳳山縣，……一在安平鎮紅毛城內，計一十間。……。

「周府志」：（同「高府志」）

「劉府志」：鳳山縣，……倉廩，……一在安平鎮，計二十五間。……。

「范府志」：（同「劉府志」）

「余府志」：（同「劉府志」）

興隆庄倉廩（在今高雄市左營區新庄子內）

「陳鳳志」：倉廩，……一在興隆庄，計十二間。內興隆庄七間，係僞時建，嗣後管事自修，觀音山庄二間，

赤山庄二間，半屏山庄一間，係四十五年各庄管事自建自修。

「王鳳志」：倉廩，……一在縣治，計三十八間。按舊志載十二間，內興隆庄七間，……因時定制，多不如舊志云。

「高府志」：倉廩，……鳳山縣，……一在興隆庄，計一十間……。

「周府志」：（同「高府志」）

「劉府志」：鳳山縣，……倉廩，……一在興隆庄，計三十八間。……。

「范府志」：（同「劉府志」）

「余府志」：（同「劉府志」）

在天興州

清初屬臺灣縣者一個

赤山庄倉廩（在今臺南縣官田鄉內）

「陳諸志」：倉廩，……一在開化里赤山庄，倉五間，係偽時建，倒塌一間，今存四間，歷任知縣捐修。……。

「高府志」：倉廩，……諸羅縣，……一在赤山庄，計五間。

「周府志」：（同「高府志」）

附二：表坊

在萬年州

清初屬臺灣縣者一座

貞節坊（在今臺南市，詳址待考。）

「陳臺志」：貞節坊，在鎮北坊，偽時為節婦鄭宜娘建。

「王臺志」：貞烈坊，一在鎮北坊，係時為謝燦妻鄭氏建。

「高府志」：貞節坊，在府治鎮北坊街，原為節婦鄭宜娘建，詳載人物傳。

「周府志」：（同「高府志」）

附三：橋樑

在萬年州

清初屬臺灣縣者一座

大枋橋（在今臺南市民權路中山堂附近）

「陳臺志」：大枋橋，在東安坊嶺後通衢之中，官府往來之所也。架枋為之，因以名橋，偽時所建。康熙二十三年，知府蔣毓英重修，後屢圯屢修，皆出縣官捐俸焉。

「王臺志」：大枋橋，在東安坊嶺後通衢往來之衢，偽時建。康熙二十三年，知府蔣毓英修。三十三年知府吳國柱重修。乾隆十年海防同知方邦基重建，架木為梁，鋪以大枋故名。

「謝臺志」：大枋橋，偽時建，架木鋪以大枋，故名。……嘉慶三年紳士吳春貴、韓必昌、黃拔萃復鳩衆易大木鋪以磚石焉。

「高府志」：大枋橋，在東安坊嶺仔後，康熙二十三年大水衝圯，知府蔣毓英捐重俸修。……。

「周府志」：大枋橋，在東安坊坊後，……。

「劉府志」：大枋橋，在東安坊嶺後，……。

「范府志」：（同「劉府志」）

「余府志」：（同「劉府志」）……，二十六年，貢生陳河瑞新修。

補記

關於「月眉池」，尚有記錄二處，茲補記於下：一、「陳鳳志」云：「月眉池，池在竹瀝，為明寧靖王術桂所鑿，植蓮花其中，不時觀玩以自遣，今尚存」；又「王鳳志」亦云：「月眉池，在維新里竹瀝，明寧靖王術桂所鑿，植蓮其中，景致幽淡，頗堪玩適。」

10

1990

2